

## **Lutino weng romo pwonye Dul me 13: Jackson ki Patrick Oywak**

**Acakki:** Itye ka dul lwod-wa me Lutino weng romo pwonye. Lwod man jo ma kelo bot-wu en aye Backup Uganda kacel ki Brainstud. I romo winyo dul lwod-wa ni bene ki i wiyamo me internet i wang [www.backupuganda.org](http://www.backupuganda.org) ki bene ka i tye onyo bedo i Gulu, ci i romo nongo dul lwod man calo dawn ma ki mako ki i Mega FM kacel ki i ka poko jami namo onyo lagal wang ki wer ma ki lwongo ni Divine Video and Music Library. Ki bene i gangi kwan magi; Highland Primary School, Gulu Prison Primary School, Gulu Town Primary School, Mary Immaculate Primary School, St. Joseph Primary School ki Christ the King Demonstration Primary School. Ka i nen i maro dul lwod me pwonye wa ni, ci bed agonya me nywako ki lupaco ni, lurem ki jirani. Ka i nen dano mapol guwinyo pi goro ma yelo lutino i pwonye onyo kwan, ci waromo lweny kacel me konyo lutino wa.

**Jackson:** Ber apwoyo tutwal. An laloki, ki lwongo nyia ni Abee Jackson atiyo bot dul ma ki lwongo ni Backup Uganda kama tin iya yom atye ki welo na me awora matin obino ka nywako kwed wa dul lwod wa me aparwiye adek me lutino weng romo pwonye en obi tucu nyinge ki waco dogtic ma mere. Ladit, ajoli.

**Headteacher:** Apwoyo matek me bino ka nywako tam keda ma lubu lok kom lutino. An nyianga ladit Oywak Patrick atye headteacher me Gulu prison primary school. Apwoyo!

**Jackson:** Ber apwoyo tutwal ladit headteacher me yee nywako kwed wa cawa macalo kitman dok iye jolo an i offici ma meg. Icawa man alegi iye ititiwa kit ma yin inyang kwede ikom kwan onyo pwonye maribo dano weng labongo apokapoka.

**Headteacher:** Apwoyo matek! Ingec ma mega, ene ni watye ki dano ma kit gi patpat mukene tye lugoro mukene pe tye lugoro so yub enini ngeca waco ni lutino man ma lugoro ni kikelo gi kacel wek gu nong pwonye kacel ki luwot gi makom gi yot ma nongo gi bedo kacel meno aye kit ma angeyo kwede ikom yub man.

**Jackson:** Apwoyo nywako kwed wa kit ma in inyang kwede ikom gin ma ki lwongo ni pwonye matoro dano weng labongo apokapoka. Icawa man amito ni anyang kiboti manok, in dogtici ni macalo lapwony madit ma loyo wii lupwonye igang kwan man kacel ki lutino kwan magi tye iskul man dong alegi ni iye ititiwa in dogtici ni kube nining ki dog pwonye man ma wa waco ni pwony onyo kwan maribo dano weng labongo apokapoka? Kidong iye ititiwa gin ango ma in itye katimo ne ma cwako ko yub man ma waco ni kwan onyo pwonye omyero kubed labongo apokapoka.

**Headteacher:** Macalo ladit me pwonye iyi skul kany onyo macalo headteacher, gin acel madit ma omyero an atim ene aye me neno ni kwan pa lutino eni owoto iyo mupore. Dong atimo nining? Kit ma timo kwede aye ene ni omyero wa nong kare wek wa lub ko lupwonye cokcok wek wa nen ni gin ma gin timo rwate ki kit yub ango ma ki yubu pi lutino eni ni kibene omyero wa nen ni wa cuku ko lutino eni ni pien gi tye ki peko mapatpat wa temo yoo me konyo gi wek olo tor guniang pi gin ango ma oweko gin tye kany pi lok pwonye ni ki bene gin mukene ma wa timo ene aye bene wa cuku cwiny lunyondo wa nongo kare me bedo ki lunyondo piny me cuku cwiny gi ni lutino man matye ki goro ka wa keto gi kacel tye jami mabejo ma gin nongo ki ikom luwotgi ci wa cuku cwiny gi ma acel, lutino ma gi tye paco omyero gu bedi iskul ki dak jami mukene ma wa timo macalo headteacher me skul, ene me kubu kin skul eni ki dul mukene mapatpat ma tye woko ma gin romo mino kony piyen ikit me yub man me pwonyo lutino matye ki goro pe rom tutwal ki skul mukene ma tye ki lutino ma bejo ma kom gi yot ci dong wa kelo dul mapatpat cokcok wek gu mii kony ma gi romo mini wa wek yub eni kuwot kakare ki bene wa kube ki miyo report mukene ma dul pa gamente calo dul ma loyo pwonye i lobo wa onyo ministry of education nongo gin gi mito kacel ki dul pa gamente me ite dero wa onyo local government meno aye gin ma wan watiyo matek tutwal onyo macalo an headteacher en aye atiyo jami ma kumeno.

**Jackson:** Ber apwoyo, apwoyo matek adada me nywako kwed wa macalo lapwony madit ma loyo gang kwan kit ma tici doru onyo lube ki yub man me kwan labongo apokapoka dok bene ibedo ki kero matut me nywako kwed wa yoo ma in itiyo kwede me konyo dongo pa yub man ni kuwot anyim. I waco bene ni ikube ki dul mapatpat iyo me neno ni ki cwako ko yub man me kwan labongo apokapoka ma toro lutino weng ka pwonye lawang acel. Yee

ititiwa kong ikin dul mene ma yin ikube kwede ki dong kit kony ango ma gin tye kamino ne kacel wek ki nen ni yub me kwan labongo apokapoka owoto maber kakare igang kwan man apwoyo.

**Headteacher:** Ber ahh... watye ki dul madit matelo wi dul mukene weny ma ene aye dul ma dit me pwonye ma tye kampala ma gin gi mini wa kony macalo grant onyo mic, wa tye ki special grant onyo mic mukene ma ki lwongo ni subvention grant ma gin gi miyo ma cente eni omyero okony wa me miyo kony ki lutino ma tye ki goro ni ki mukene ma pe gi tye ki goro bene pi en waribo gi ducu kacel. Ahh... ministry onyo dul ma dit bene gi mini wa kit ma omyero wati kwede ki lutino eni ni . gi mini wa bene gin mukene ma lube ki technology ingeyo lobo tye ka dongo ci, wa nongo jami mukene ki bot gi macalo computers, radios ki jami mukene mapatpat calo tv wek okony wa me weko pwony wa onyo yub me pwonye ki lutino eni ni obed yot ahh...bene wa tye ki dul mukene matino ma tye kany mapat ki local government onyo gamente me te dero wa tye ki NGO dul mukene ma titino labole, wa tye ki Backup Uganda gin gi konyo wa gi mini wa pwonye ki lupwonye dok bene gi lubu ko lupwonye cokcok me neno ni tic ma gin tiyo rwate ki yub eni ni wa tye gi dul mukene calo Save the children, Avsi gin bene tye ka bino cokcok kakonyo wa me neno ni pwonye pa lutino ni ka ki keto gin weng lawang acel omyero owot maber!

**Jackson:** Ber apwoyo matek adada me nywako ne matut it wa kakenyo, dong icawa man alegi ni iyee ititiwa, etamo ni skul i Uganda onyo ilobo wa ni tye ka tero yub man me kwan labongo apokapoka iyoo ma nining?

**Headteacher:** Mukwongo, tye imiti pa gamente ni ngat mo ma tye ilobo kany omyero pe odong cen kono lagoro onyo pe lagoro ci, gamente tye ki neno maber tutwal pi yub ni eni ni. Ento ki gum marace ni peko mapol pud tye ma kube ki yub ni eni ni ma calo wan lupwonye ki ingom kany, wa neno ni ka waribo lutino ni eni ni kacel mite ni jami ma ki ti kwed gi bene orwate ki kit goro gi ki yot kom gi ento inongo ni ngec me konyo lutino eni ni pud tye manok pi en lupwonye mukene nongo ki training gin tye ki ngec ento mukene pe gin onongo training mo keken ento weng nongo wa tye katic kacel ci wa tamo ni kakenyo, pud doge odong manok ma ka twere omyero lupwonye weng ma gin pwonyo lutino ma tye i setting me

inclusive education omyero gunong pwonye i level ma malo ma nongo gin weng ngec acel weko tute ki lutino doko yot. Ahaa... peko mukene ma wa tye kaneno ne ene aye lok ma lupe kom policy cik ma omyero gamente okati kwede ma omyero okony wan ma calo lupwonye kacel ki lunyondo kacel ki community kit me tero lutino ni eni ni ka gin tye ikin wa pi en i agiki ne, lutino pe obi bedo ikin wa keken. Pikare mukene ingee kwan ma en obedo ka nongo ne ki i skul omyero odok cen gang i community ci omyero community bene ki mini gi ngec ma leb munu lwongo ni sensitisation wek gu nge ni ikin wa, watye ki dano ma goro dong ka tye omyero gubed nining? Pi en lutino ni eni ni weng gin tye ki goro mapatpat. mukene tye ki goro matek maloyo luwotgi ento mukene nongo pe tek tutwal ma ka kimiyo pwonye mo olo tor twero timo gi mo makonye i anyim. ci omyero lakudi ngec eni obed ma tye ma dano weng omyero ojol lumuku ma pe omyero ki nen ni gin lugoro ento eno ni bene pud doge orem. Ahaa... wa tye bene ki kit peko mukene macalo infrastructure kabedo me pwonye ma lutino ni eni omyero gu bed iye pi en lutino ma tye ki goro gin dak kit gi patpat manok ki jo mukene ma gin tye maber ni ci omyero ki nen kit me gwoko gi, kit me ot ma gin obi kwano iye malube ki goro gi omyero ki nen calo gin ma pire tek ci wa neno ni kakenyo bene doge pud tye odong manok ci peko eno ni wa geno ni ka cer kiribo cing motmot ki dano bene ka gin gu loko cwiny gi pi en peko mukene ma wa tye ka neno ne loke pa cwiny dano change of attitude pire tek tutwal ni omyero obed tye wek wa wot ki tic man iyoo mupore.

**Jackson:** Ber apwoyo matek adada! Ladit pi nywako ne ahh...kwed wa, icawa man dok wek apenyi kit tam ango ma in itami ni imiyo bot lunyondo kacel ki lupwonye wek pwonye kubed ma ribo dano weng labongo apokapoka?

**Headteacher:** Mukwongo kit ma awaco kwede wi atii omyero wa nen ni waloko tam pa lunyondo tutwale, neno gi omyero odok piny tutwal ikom lutino man ma lugoro ni so ka wa loko kit ma gin neno kwede lutino ni eni ni nama cel, ci wageno ni olotor alokaloka bedo tye kibene wa tamo kit ma gin lunywal omyero pe gu bed boo ki gang kwan kare ki kare gin gu nyike cok ki lupwonye gunyang kit kony ango ma lutino tye kanongo ne kit manaka nen awaco kwede ni lutino pe gu bi bedo i skul naka naka gi bi dok gang i cing lunyondo gi ci mite ni gin gu ngee ngo ma omyero gu mete ki timo ne ianyim wek gin ma ki cako timo ne doge pe ogiko ci olotor programi obi woto maber.

**Jackson:** Ber apwoyo matek adada ladit. Yee dong iwek apenyi lapeny wa me agiki inywak kwed wa bene ahaa... tam ango ma in imiyo bot lupwonye ka guniang ni latin kwan iot kilaci gi tye ki goro iyoo mi pwonye onyo peko iyoo me kwan?

**Headteacher:** aha...macalo lupwonye onyo macalo jo ma ki pwonyo gi, mi acel, omyero gu bed kimara ikom lutino ni pi en ka mara peke ci in pe itiyi tici maber. Omyero gu mi mara bot lutino, gu mi kare gi dok bene gu bed ki niang ni pigoro pa lutino weko cawa mukene pe gin timo jami ma rwate ki kit ma omyero obed kwede ci omyero gu nge ni peko ni eno ni tye pi en ka ki tero gi oko oyot oyot macalo jo mukene ma kom gi yot ni ci inongo ni program eni weng bale abala. Ahaa... bene wa tamo ni macalo lupwonye kare ki kare, gubed ki miti me nongo ngec pi alokaloka macalo kit ma ping tye ka loke kwede pi en gin ma nyen tye ka bino mapol gu bed ki miti mi nongo ngec eni ni wek olotor gu bed ki kare me konyo lutino maber ki dong lok mukene ma pire tek ene ayee record jami maki keto oko icoc malube ikom lutino pire tek mada pi en i anyim record makite eno ni ene bi konyo ni latin munyo tye kit man, latin munyo goro ne tye kit man alokaloka obedo ikome kiti ene weko konyo tutwal ikare ma anyim dong bene ka onongo yang twere, lupwonye bene gubed ki kare mi lubu ko lutino wa ipaco gi pe ogik ki i skul keken gunong kare, gucit wa ipaco gi gulok ki family pi en setting me family pire tek tutwal macalo group moni matidi ene ma lutino kwo iye omyero lupwonye obed cokcok kwed gi wek jami ma gin timo ki kony pee dok obed welo tutwal ki iwang jo mukene ento ingec ma mega angeyo ni kace jami ni weng otime maber ci olo tor program eni ni pe bitor dok bene bi woto anyin iyoo mupore an apwoyo matek.

**Jackson:** Ber apwoyo matek adada ladit me nywako kwed wa dul lwod wa me aparwiye adek me lutino weng twero pwonye kama wan bene macalo dul me Backup Uganda wa tye ki gen ni lutino weng twero pwonye kaccer waketo gi kaccer gunongo pwonye weng ma rom kaccer ki luwodi gi ma gin tye ki yoto kom ma pe gi tye ki kit goro mokeken iyoo mi pwonye dok gi kwano dok gi dugu jo maatii ma bene gi romo kwo dok bene gi kelo alokaloka i lobo ma meg wa an apwoyo matek adada!



Gulu, Uganda / Zwolle, The Netherlands

E-mail: info@backupuganda.org

Web: www.backupuganda.org

Tel: UG +256 7 72630078

NL +31 38 4604615

---

**Agikki:** Wapwoyo winyo Lutino weng romo Pwonye. i romo nywak tami kwed-wa, i romo ribbe facebook ki bene i romo cwalo lapeny mo keken ma i tye kwede i namba cim matye **0772630078**. I mito ngeyo matut i kom dul me Backup Uganda wek i bed ki ngec i kom jami matime i romo nongo i wang website [www.backupuganda.org](http://www.backupuganda.org) onyo i facebook, instagram, Twitter kacel ki LinkedIn.